



FRAMHALDSSKÓLINN Á LAUGUM

Ársskýrsla 2016

Prófill

Stærð skóla, fjöldi nemenda og starfsmanna:

Húsnæði skólans er 6.523 m². Árið 2016 voru 107 ársnemendur við skólann, starfsmenn voru 34 í 28,3 stöðugildum

Námsframboð:

Skólinn bauð upp á nám á þremur brautum til stúdentsprófs: íþróttabraut, náttúruvísindabraut og félagsvísindabraut. Ennfremur var boðið upp á nám á almennri námsbraut.

Framkvæmd markmiða:

Unnið er að öllum markmiðum skólans sem getið er í skólasamningi. Þónokkur markmið hafa þegar verið uppfyllt og árangur er að nást með önnur markmið þó sumum þeirra verði mögulega ekki náð að fullu.

Umbótaþættir eftir sjálfsmat:

Veturinn 2014-2015 var farið í aðgerðir til þess að bæta ástundun og árangur nemenda með því t.d. að endurskoða viðbrögð og eftirfylgni varðandi mætingar nemenda. Settar fram skriflegar leiðbeiningar og viðmið um hlutverk kennara og nemenda í vinnustofum. Þessi vinna hefur verið í gangi undanfarin tvö ár og hefur skilað árangri því mæting hefur batnað mikið. Áfram verður unnið með þessa þætti með það að markmiði að bæta námsárangurinn. Einnig var unnið að bættri líðan nemenda í vinnustofum en hefur því miður ekki gengið sem skyldi, því verða breytingar gerðar á skólaárinu 2017-2018 sem eiga að stuðla að bættri líðan.

Úttektir:

Ríkisendurskoðun hóf úttekt á stofnuninni undir lok árs 2015 og lauk henni vorið 2016 og gerði þrjár athugasemdir og vann skólinn að úrbótum á árinu þó þeim sé ekki að fullu lokið.

Afkoma, rekstrarstaða:

Rekstur skólans var jákvæður um 7,5 millj. kr.

Brottfall:

Um 2% brottfall var við skólann árið 2016

Stjórnun:

Skólameistari, áfangastjóri og brautarstjóri almennrar brautar

Samvinna við aðra:

Verkmenntaskólinn á Akureyri, Menntaskólinn á Akureyri, Framhaldsskólinn á Húsavík, Menntaskólinn á Tröllaskaga, Grunnskólinn á Þórshöfn, Þingeyjarskóli, Stórutjarnaskóli, Reykjahlíðarskóli, Ungmennafélagið Efling, Austurbrú og Þekkingarnet Þingeyinga.

Sérstakar áherslur/sérsvið skólans:

Skólinn rekur framhaldsskóladeildir á Þórshöfn og Vopnafirði. Skólinn sérhæfir sig í persónubundinni þjónustu og sveigjanlegu námsumhverfi. Nemendur eru með samfelldan skóladag frá 09:10-15:30 sem samanstendur af fag tímum og vinnustofum undir leiðsögn kennara á milli fagtíma.

Nemendur og nám:

Við Framhaldsskólann á Laugum voru fjórar námsbrautir, almenn braut, félagsvísindabraut, íþróttabraut og náttúruvísindabraut.

105 nemendur hófu nám í byrjun árs 2016, og skiluðu þeir 114,7 nemendaígildum.

11 á almennri námsbraut

47 á félagsvísindabraut

20 á íþróttabraut

25 á náttúruvísindabraut

2 voru enn í grunnskóla en stunduðu nám við Framhaldsskólann á Laugum.

58 strákar og 47 stúlkur. Brottfall á önninni var 2,9%. Að meðaltali voru 16,2 nemendur á kennslutíma.

Haustið 2016 byrjuðu 109 nemendur sem skiluðu 99,6 nemendaígildum

16 á almennri námsbraut

51 á félagsvísindabraut

16 á íþróttabraut

26 á náttúruvísindabraut.

55 strákar og 54 stúlkur. Brottfall á önninni var 0,9%. Að meðaltali voru 16,2 nemendur á kennslutíma.

Sú námsskrá sem lá fyrir vorið 2015 var tekin til endurskoðunar og send inn til samþykktar vorið 2016. Athugasemdir bárust frá Menntamálastofnun sem brugðist var við og stefnt að því að senda endanlega námskrá inn til samþykktar fyrir 31. mars 2017. Nú þegar þetta er skrifað liggur námskráin til staðfestingar hjá Menntamálaráðuneytinu.

Kennsluhættir við Framhaldsskólann á Laugum eru fjölbreyttir og taka mið af því námskerfi sem notað er í skólanum. Skóladagurinn á Laugum er samfelldur kl. 09:10-15:30 alla virka daga vikunnar nema föstudaga þegar hætt er kl 14:40. Íþróttakennsla fer fram milli 16 og 18 mánudaga til fimmtudaga og er miðað við að hver nemandi mæti a.m.k. einu sinni í viku. Skóladagurinn samanstendur af hefðbundnum fagtímum og vinnustofum þeirra á milli. Í vinnustofum vinna nemendur að verkefnum sínum með aðstoð kennara. Kennslan í fagtímum er fjölbreytt, allt frá hefðbundnum fyrirlestur, yfir í umræðutíma, yfir í vendikennslu og notast skólinn við námskerfið Moodle til að halda utanum námið. Í skólanum er símat, þ.e. nemendur þreyta próf, gera ritgerðir og leysa verkefni með jöfnum hætti yfir önnina og lokapróf í hefðbundnum skilningi eru ekki þreytt við skólann nema í undantekningartilfellum. Kennsluvikur annararinnar eru því að jafnaði 17 talsins. Þessi tilhögun gerir það að verkum að námið er mjög einstaklingsmiðað og auðvelt fyrir nemendur að taka færri eða fleiri einingar en hefðbundið skipulag gerir ráð fyrir.

Framhaldsskóladeildir á Þórshöfn og Vopnafirði:

Framhaldsskólinn á Laugum hefur starfrækt framhaldsskóladeild á Þórshöfn frá haustinu 2009. Starfið hefur gengið vel og eru heimamenn ánægðir með þessa þjónustu. Á vorönn voru sjö nemendur við deildina og einnig voru sjö nemendur á haustönn. Í ágúst 2016 opnaði svo framhaldsskóladeild á Vopnafirði í samstarfi við Austurbrú og Vopnafjarðarhrepp haustið 2016. Á haustönn voru sex nemdur við deildina.

Samstarf við aðra:

Samstarf hefur verið við Verkmenntaskólann á Akureyri um að taka að sér að kenna í fjarnámi þá áfanga sem við getum ekki boðið uppá, með þessu móti getum við aukið námsframboð okkar. Einnig geta nemendur skólans tekið slíka áfanga í gegnum Fjarmentaskólann en skólameistari Framhaldsskólans á

Laugum situr fundi Fjarmentaskólans hálfsmánaðarlega. Að sama skapi býður Framhaldsskólinn á Laugum nemendum annarra skóla áfanga í gegnum Fjarmentaskólann.

Í lok árs 2015 var undirritaður samstarfsamningur milli framhaldsskólanna á Norðausturlandi. Árið 2016 fór að hluta til í að útfæra þann samning og skipuleggja samstarfið. Að hluta til stóð það nemendaskiptum fyrir þrífum að nám í Menntaskólanum á Akureyri hefst seinna og lýkur seinna en í hinum skólunum en skólaveturinn 2017-2018 verður skólaár þess skóla í takt við hina og þá ætti samstarfið að aukast. Hins vegar er það svo að með nemendafækkun reynist hverjum skóla fyrir sig erfiðara að uppfylla þann einingafjölda sem hann á að uppfylla á ári hverju og dregur það úr nemendaskiptum. Haustið 2016 voru svo Laugaskóli og Framhaldsskólinn á Húsavík í frekara samstarfi um félagslíf nemenda auk þess sem kennarar skólanna hittust og báru saman bækur sínar.

Samstarf hefur líka verið við grunnskóla um kennslu í einstaka áfanga fyrir þá nemendur sem lokið hafa markmiðum grunnskólans fyrir 10. bekkinn. Á árinu 2016 nýttu þrír nemendur frá Grunnskólanum á Þórshöfn og einn í Stórutjarnaskóla sér þennan möguleika. Einnig sá Framhaldsskólinn á Laugum um raungreinakenndu tvo tíma í viku fyrir Þingeyjarskóla árið 2016 og lætur bæði Þingeyjarskóla og Reykjahlíðarskóla í té kennsluhúsnæði. Aukinheldur stendur skólinn fyrir tónlistarhátíðinni Tónkvísl og grunnskólamóti í íþróttum og býður grunnskólum á norðausturlandi að taka þátt í þessum viðburðum.

Samstarf er milli íþróttabrautarinnar og Ungmennafélagsins Eflingar um þjálfun ungmenna. Þetta nýtist skólanum sem hluti af starfsnámi brautarinnar.

Eins og áður sagði á skólinn í samstarfi við Þekkingarnet Þingeyinga um rekstur Þórshafnardeildar og í samstarfi við Austurbrú um rekstur Vopnafjarðardeildar.

Mat á markmiðum skólasamnings:

Nýr skólasamningur tók gildi 1. janúar 2015 og unnið var eftir markmiðum hans á árinu. Mæting nemenda (að frádregnum leyfum og veikindum) var yfir markmiðum skólans (84%), var 88% á vorönn og 90% á haustönn. Raunmætingin var eðlilega aðeins lakari eða 72% (vorönn) og 78% (haustönn). Brottfall úr áföngum var 5,4% á vorönn en lækkaði í 2,9% á haustönn og má því segja að markmiði skólasamningsins um 4,5% brottfall úr áföngum árið 2017 sé þegar náð.

Árið 2015 hefur nemendum almennt líðið vel þrátt fyrir að örlítið vanti uppá að 90% nemenda líði vel í skólanum. Í fagtímum leið 80,6% nemenda vel, 76,6% í vinnustofum og 89,6% eftir skóla. Þar sem flestir nemendur búa á heimavist skólans erum við sérstaklega ánægð með hversu vel þeim líður þar. Í könnuninni Ungt fólk, niðurstöður rannsókna meðal framhaldsskólanema á Íslandi 2016 sem unnin var af Rannsóknunum & greiningu var einnig spurt um líðan í skóla. Þar kemur fram að mun færri strákum í Framhaldsskólanum á Laugum, eða 4% líður illa í skólanum meðan hlutfallið er 7% á landsvísu. Hjá stelpum er hlutfallið í FL það sama og yfir landið í heild, eða 10%. Nemendur hafa daglegan aðgang að námsráðgjafa og reglulegan aðgang að heilbrigðisþjónustu og sálfræðingi eins og markmiðin kveða á um.

Aðeins hefur verið unnið að því markmiði að auka fjölbreytni náms og með það að í huga var sett upp kjörsviðsbraut til stúdentsprófs við skólann. Þannig geta nemendur aukið val sitt í náminu. Ekkert varð hins vegar af því að bjóða upp á nám í ferðamálafræðum í samstarfi við Þekkingarsetur Þingeyinga eins og stóð til, aðallega vegna áhugaleysis nemenda. Hins vegar getur verið að skólinn muni í framtíðinni bjóða upp á einstaka áfanga í ferðamálafræðum. Meðaleinkunn nemenda er svipuð og undanfarin ár þó þess sjáist nokkur merki um að hún fari hækkandi. Meðaleinkunnin var 6,2 á vorönninni og 6,5 á haustönninni. Þetta er vel frá markmiðum skólasamnings sem kveða á um 7,6 í meðaleinkunn í lok árs

2017. Það markmið er því sennilega óraunhæft og spurning út frá hvaða viðmiðum það markmið var unnið. Unnið var að skólanámskrá á árinu og var hún næstum tilbúin í lok árs og bíður þegar þetta er skrifað staðfestingar Menntamálaráðuneytisins.

Allir fastráðnir kennarar skólans eru með leyfisbréf í samræmi við markmið skólasamningins og um þriðjungur þeirra með meistaragráðu í sínu fagi. Samstarf við aðra framhaldsskóla á svæðinu er virkt og jókst á árinu 2016. Að sama skapi er gott samstarf við grunnskóla og félagasamtök á svæðinu, t.a.m. starfa nemendur í starfsnámi á íþróttabraut við þjálfun hjá Ungmennafélaginu Eflingu.

Starfsmannahald 2016:

Skólanum er stýrt af skólameistara og honum til aðstoðar er áfangastjóri í 50% starfi sem slíkur. Einnig er 10% af starfi brautarstjóra almennrar námsbrautar skilgreint sem stjórnunarstarf. Kennarar við skólann eru í 10,4 stöðugildum, bókasafnskennari er í 60% starfi, verkefnastjórar á Þórshöfn og Vopnafirði í 100% starfi og námsráðgjafi í 50% starfi. Á árinu þurfti samt að auka stöðuhlutföll kennara í hlutastörfum lítillaga sem og ráða inn stundakennara vegna veikindaleyfa og barnsburðarleyfa. Fjármálastjóri er í 50% starfi, kerfisstjóri í 55% starfi, húsverðir og húsbændur í rétt tæpum tveimur stöðugildum og ræstitæknar í tveimur stöðugildum. Skólaritari er í 75% starfi og skólahjúkrunarfræðingur og skólasálfræðingur koma einn morgun í viku. Hjá mötuneyti skólans er bryti (matráður, kokkur) í fullu starfi og starfsstúlkur í 3,1 stöðugildi. Jafnframt starfar fjármálastjóri hjá mötuneytinu í 50% starfi og þvottastjóri í 100% starfi.

Árið 2016 unnu eftirtaldir við Framhaldsskólann á Laugum:

Skólameistari:

Sigurbjörn Árni Arngrímsson

Áfangastjóri:

Hallur Birkir Reynisson

Brautarstjóri almennrar námsbrautar:

Sverrir Haraldsson

Verkefnastjóri framhaldsskóladeildar á Þórshöfn:

Hildur Stefánsdóttir

Verkefnastjóri framhaldsskóladeildar á Vopnafirði:

Bjarney Guðrún Jónsdóttir (frá 1. ágúst)

Námsráðgjafi:

María Jónsdóttir

Skólahjúkrunarfræðingur:

Dagbjört Bjarnadóttir

Skólasálfræðingur

Elín Eydís Friðriksdóttir

Fjármálastjóri:

Þórunn Sigtryggisdóttir

Kerfisstjóri:

Kristinn Ingi Pétursson

Bryti:

Kristján Guðmundsson

Kennarar skólans:

Andri Hnikarr Jónsson

Arnór Benónýsson

Birna Björnsdóttir

Connie Maria Cuesta-Schmiedl

Guðmundur Smári Gunnarsson

Hanna Sigrún Helgadóttir

Hildigunnur Jónsdóttir

Olga Hjaltalín Ingólfssdóttir (barnsburðarleyfi frá 17. ágúst)

Ragna Heiðbjört Þórisdóttir

Þórir Aðalsteinsson (veikindaleyfi frá 5. október)

Bókasafnskennari:

Jóhanna Eydís Þórarinsdóttir

Skólaritari

Kristjana Kristjánsdóttir (til 31. ágúst)

Ásta Gísladóttir (frá 15. ágúst)

Starfsfólk mótneytis:

G. Sigrún Hringsdóttir, starfsstúlka

Hólmfríður Þorkeldsdóttir, starfsstúlka (veikindaleyfi frá 12. febrúar)

Jóna Jónsdóttir, starfsstúlka

Sigríður Sveinbjörnsdóttir, starfsstúlka

Þvottahús:

Aðalbjörg Tryggvadóttir (til 29. febrúar)

Guðrún Jóna Svavarsdóttir (frá 22. febrúar)

Húsbændur:

Ingólfur Víðir Ingólfsson

Hlynur Snæbjörnsson

Jón Sverrir Sigtryggson

Óli Antonsson

Húsverðir:

Jóhanna Sif Sigþórsdóttir

Jón Friðrik Benónýsson (til 27. júlí)

Kristján Snæbjörnsson (frá 15. ágúst)

Ræstingar:

Eva Björg Jónsdóttir
 Friðrika Illugadóttir (til 31. júlí)
 Kristjana Kristjánsdóttir (frá 1. september)

Fjármál og rekstur

	Rekstarreikningur		
	Reikningur 2016	Reikningur 2015	Fjárheimildir 2016
Tekjur			
Sértekjur	26.035.846	26.431.037	24.100.000
Markaðar tekjur	0	0	0
Aðrar rekstrartekjur	1.266.000	1.308.000	1.300.000
Tekjur samtals	27.301.846	27.739.037	25.400.000
Gjöld			
Almennur rekstur	268.960.544	261.667.426	274.526.000
101 Framhaldsskólinn á Laugum	268.960.544	261.667.426	274.526.000
Gjöld samtals	268.960.544	261.667.426	274.526.000
Tekjur umfram gjöld	-241.658.698	-233.928.389	-249.126.000
Framlag úr ríkssjóði	249.126.000	231.517.222	249.126.000
Hagnaður/tap ársins	7.467.302	-2.411.167	0

Efnahagsreikningur		Reikningur 31.12.2016	Reikningur 31.12.2015
Eignir			
Fastafjármunir			
Áhættufjármunir		0	0
Langtímakröfur		0	0
	Fastafjármunir samtals	0	0
Veltufjármunir			
Vörubirgðir		0	0
Inneign hjá Ríkissjóði		0	0
Skammtímalán		0	0
Skammtímakröfur aðrar		1.444.096	1.312.161
Handbært fé		6.310.541	6.213.104
	Veltufjármunir samtals	7.754.637	7.525.265
	Eigið fé samtals	7.754.637	7.525.265
Skuldir og eigið fé			
Eigið fé			
Höfuðstóll			
Staða í ársbyrjun		-9.629.579	-7.218.412
Breyting v/lokafjárlaga		0	0
Hagnaður/tap ársins		7.467.302	-2.411.167
	Höfuðstóll í árslok	-2.162.277	-9.629.579
Annað eigið fé			
Bundið eigið fé		0	0
Famlag til eignamyndunar		0	0
	Annað eigið fé samtals	0	0
	Eigið fé í árslok	-2.162.277	-9.629.579
Langtímaskuldir		0	0
Tekin löng lán		0	0
	Langtímaskuldir samals		
Skammtímaskuldir			
Yfirdráttur á bankareikningum		0	0
Skuld við ríkissjóð		6.376.693	13.861.173
Skammtímalántökur		0	0
Aðrar skammtímaskuldir		3.540.221	3.293.671
	Skammtímaskuldir samtals	9.916.914	17.154.844
	Skuldir samtals	9.916.914	17.154.844
	Skuldir og eigið fé samtals	7.754.637	7.525.265

Skýringar á rekstrar- og efnahagsreikningi 2015

Fjárveitingar á fjárlögum fyrir árið 2016 til Framhaldsskólans á Laugum námu samtals 232,6 m.kr. Þar að auki fengust með millifærslum af öðrum fjárlagaliðum s.s. vegna ADL nemenda, Vopnafjarðardeildar, launaendurmats og framlags til fámennra skóla og námu heimildir ársins kr. 249,1 m.kr. Rekstrartap frá fyrri árum var 9,6 m.kr. og uppsafnað rekstratap er því nú 2,2 m.kr.

Rekstrargjöld ársins voru samtals tæplega 269 m.kr en að frádregnum sértekjum sem voru rúmlega 27,3 m.kr voru þau tæplega 241,7 m.kr. Rekstrargjöld voru því um 7,5 m.kr lægri en fjárheimildir ársins. Stafaði það fyrst og fremst af hagræðingu í rekstri, aðallega niðurskurði á starfshlutföllum og yfirvinnu

Upphæð heildarrekstrargjalda jókst um 2,8% á milli ára eða um 7,3 m.kr.

Sértekjur skólans lækkuðu um 0,4 m.kr. vegna þess að færri nemendur stunduðu nám við skólann.

Höfuðstóll Framhaldsskólans á Laugum nam -2.162.277 kr. í árslok 2016. Skuld skólans gagnvart ríkissjóði lækkaði um 7,5 m.kr. eða úr 13,9 m.kr. í 6,4 m.kr.

Laugum, 28. júní 2017

Sigurbjörn Árni Arngrímsson skólameistari
Þórunn Sigtryggsdóttir fjármálastjóri